

## M159: Predigt von Christi Geburt (M/G T 38)

36v,18 disiu wort diu sprichet der guote  
  
 37r,1 sanctus Matheus von der geburt unsers  
 37r,2 hêrren . unde von unser vrouwen  
 37r,3 sancte Marien . bî deme zîte daz  
 37r,4 unser hêrre geboren wolte werden .  
 37r,5 von unser vrouwen sancte Marien . daz  
 37r,6 er unsich erlôste . von deme êwigen  
 37r,7 tôde . der houbethaftigen sünde .  
 37r,8 dâ uns Adâm in gestôzen hête . dô er  
 37r,9 unserm hêrren ungehôrsum wart .  
 37r,10 in paradiso . dô wart unser vrouwe  
 37r,11 sancte Marie entvestenet . unde gemaheret .  
 37r,12 an einen guoten manne . der  
 37r,13 hiez Josepch . dâ vone sprichet der  
 37r,14 guote sanctus Matheus dô unser vrouwe  
 37r,15 Josepch entvestenet wære . dô wære  
 37r,16 si swanger worden von dem heiligen  
 37r,17 geiste . dô des Josepch innen wart .  
 37r,18 nû was er ein vile guot man .  
  
 37v,1 et nolebat traducere eam . daz quiut er  
 37v,2 ne wolte si niut vermæren . wan  
 37v,3 wæren sîn die juden innen worden .  
 37v,4 daz si âne die ê . swanger wære worden .  
 37v,5 sô hêten si si gesteinet . nû kom er  
 37v,6 ouch ungerne zuo ir . wan er ne  
 37v,7 wesse niht . von weme si des kindes  
 37v,8 solte genesen . unde gedâhte  
 37v,9 ime des . er wolte ir tougenlîchen  
 37v,10 entrinnen . dô er ime des gedâhte  
 37v,11 dô erschein ime der heilige engel .  
 37v,12 in deme slâfe . unde sprach .  
 37v,13 “Josepch en vûrhte dir niht . ze nemenne  
 37v,14 Mariam dîne konen . daz  
 37v,15 kint des si dâ swanger worden  
 37v,16 ist . daz ist geschehen von deme heiligen  
 37v,17 geiste . daz kint daz solt

- 37v,18 dû heizen Jesum . daz quiut ein  
 37v,19 heilant aller der werlt . ipse
- 38r,1 saluum faciet populum suum a peccatis eorum  
 38r,2 daz quiut er loeset sîn liut . von sînen  
 38r,3 sünden . unde von dem êwigen tôde”  
 38r,4 nû sulet ir hiute vile inniclichen bitten .  
 38r,5 den almehtigen got . unde unser  
 38r,6 vrouwen sancte Marîen . daz si iu des helfe .  
 38r,7 umbe ire trûtsun . daz er vergezze  
 38r,8 an iu iuwerre missetât . unde  
 38r,9 daz ir müezet sîn . sîn liut . umbe  
 38r,10 die er die mennischheit an sich habe  
 38r,11 genomen . unde die habe erloeset . von  
 38r,12 deme êwigen tôde . unser vrouwe  
 38r,13 sancte Marîe diu ne wart dâr umbe  
 38r,14 niht entvestenet Josephe . daz si  
 38r,15 iemer solte gemeiliget werden .  
 38r,16 von dechein manne . si ne hête  
 38r,17 ouch ir niht vüre gesetzt . wan daz  
 38r,18 si iemer solte maget sîn .  
 38r,19 in dem namen unsers hêrren .
- 38v,1 als ouch iemer maget ist . unde ie was .  
 38v,2 niuwan daz er pflæge . swâ si wære .  
 38v,3 unde swelich ende si vüere . unde sô ouch  
 38v,4 unser hêrre geboren würde . alsô  
 38v,5 ich iu nû sagen wile . dô unser hêrre  
 38v,6 geboren wolte werden . dô was ze den  
 38v,7 selben zîten ein küninc dâ ze Rôme .  
 38v,8 der hiez Augustus . der was sô gewaltic .  
 38v,9 daz in diu werlt elliu was undertân .  
 38v,10 von deme sprichet der guote sanctus  
 38v,11 Lucas . an deme heiligeme evangelio .  
 38v,12 exiit edictum a caesare Augusto . ut describeretur  
 38v,13 universus orbis . er quiut  
 38v,14 er wære sô gewaltic . daz er ûz gebüte  
 38v,15 aller der werlt . daz si im hulde  
 38v,16 swüere . unde ime ouch den zins gæbe .  
 38v,17 dô vuor mannegelich ze sîner houbetstat .  
 38v,18 unde brâhte dar dem küninge  
 38v,19 den zins . unde swuoren ime ouch dâ
- 39r,1 hulde . alsô tet ouch Josepch . unde unser  
 39r,2 vrouwe sancte Marîe . die wâren  
 39r,3 bürtic von Nazareth . si hôrten aber  
 39r,4 ze einer stete . diu hiez Bêthlêhêm .  
 39r,5 dar vuoren si ouch daz si den zins dem

39r,6 küninge dâ gâben . unde ime ouch hulde  
 39r,7 swuoren . unde herbergeten . in ein  
 39r,8 gasthûs . tunc impleti sunt dies Mariae  
 39r,9 ut pareret . daz quiut dô was unserre  
 39r,10 vrouwen zît . ervüllet . daz si solte gebern  
 39r,11 unseren hêrren . Jesum Christum .  
 39r,12 unde genas sîn in dem selbem gasthûse .  
 39r,13 et pannis eum involvit . et posuit  
 39r,14 in praesaepio . daz quiut si windelet in in  
 39r,15 vile schône . unde leite in in ein krippe .  
 39r,16 wande si ne mohte andern stete niht  
 39r,17 haben . in dem gasthûse . dô wacheten .  
 39r,18 die hirte . in dem selben lande . bî ire  
 39r,19 vihe . des selben nahtes . wan in deme  
  
 39v,1 selben lande ist winters niht . dô unser  
 39v,2 vrouwe unsers hêrren dô genas .  
 39v,3 dô kom ein lieht sô grôzez umbe  
 39v,4 si daz si harte erkômen . dô kom unsers  
 39v,5 hêrren engel . zuoze in . unde sprach  
 39v,6 “vürhtet iu niht . evangelizo vobis  
 39v,7 gaudium magnum .” er sprach “ich künde  
 39v,8 iu ein michel vröuwede . diu künftic  
 39v,9 ist . aller der werlt . ez ist geboren  
 39v,10 der heilant der die werlt alle erloesen  
 39v,11 sol . unde habet iu daz ze einen urkünde .  
 39v,12 ir vindet daz kint in tuoch gewindeletez .  
 39v,13 unde geleitez in einen  
 39v,14 barnen .” alsô der engel daz volsprach  
 39v,15 dô was bî ime ein michel teil herjes .  
 39v,16 himelisches .. unde begunden . ze  
 39v,17 singen . unde ze lobenne . unseren  
 39v,18 hêrren . mit grôzen vröuweden . unde  
 39v,19 sungen . “gloria in excelsis deo . et in terra . pax . hominibus . bonae .  
 voluntatis .”  
  
 40r,1 si sungen . “lop unde êre . sî dir hêrre .  
 40r,2 ûf dem hôhen . himele . unde vride . unde  
 40r,3 genâde . sî ûf der erde . den  
 40r,4 mennischen . die guotes willen  
 40r,5 sîn .” alsô nam unser hêrre die  
 40r,6 mennischheit an sich . von unserre  
 40r,7 vrouwen sancte Marîen . daz er  
 40r,8 uns erlôste . von dem êwigen tôde .  
 40r,9 unde von den banden des leidigen tieveles .  
 40r,10 nû bitet ir hiute vile inniclichen  
 40r,11 unsern hêrren daz durch sîner trûtmuoter  
 40r,12 willen gedenke an iu der selben

40r,13 menschheit . unde daz iu beruoche ze vergebenne  
40r,14 swaz ir von menschlicher  
40r,15 broede ie wider sînen hulden getâtet .  
40r,16 qui cum patre . et spiritu . sancto . vivit . et . regnat . deus . amen .